



Pwonupwonun won maas FAQ *(Porousen 04-03-2023)*

Seni ewe Eprein 3, 2023, ewe Oregon Health Authority ese chiwen tichiki aean pwonupwonun won maas non neeni ese nifinifin.

Fan ei, mei wor eponuwen kapas eis mei soun piita (FAQ) ren ewe Oregon Administrative Rules (OAR) fan iten aean pwonupwonun won maas ren eppetin cheunon COVID-19 me pwan ekkoch semwenin angasangas, pwan pachenong auchean aean pwonupwonun won maas. OAR [333-019-1011](#), Tichikin Aean Pwonupwonun Won Maas ren Koukun COVID-19 non Nenien Tumwun Mei Semwen; OAR [333-019-1015](#), Tichikin Aean Pwonupwonun Won Maas non Sukuun me OAR [333-019-1025](#), Tichikin Aean Pwonupwonun Won Maas ren Neeni Non a kouno me ese chiwen wor ennuhun. No ngeni an OHA [tumwun ren aean pwonupwonun won maas webpage](#) ren sopwosopwun porous me ren omw kopwe katon porousen an a wesino ennuhun. Ekkei ponuwen kapas eis FAQs epwe wor ar repwe ekkesiwin nge esapw iteitan.

Q: Ewe ennuhun aean pwonupwonun won maas non nenien tumwun mei semwen a wesino fan ewe Eprein 3, 2023?

Ewer, ewe Oregon Health Authority ennuhun ren aean pwonupwonun won maas non nenien tumwun mei semwen a wesino non ewe Eprein 3. Ekkoch nenien tumwun mei semwen epwe chiwen awora tichikin aean pwonupwonun won maas ren nour tokter, chon angang, mei semwen me chon chuuto rer. Chon tumwun mei semwen repwe chiwen aea ar pwonupwonun won maas pwe ren an federal ennuhun. Ekkewe tokter me nour chon angang repwe kapas eis ngeni nour meinap pwe repwe weweiti ika mei wor tichikin ar repwe aea ar pwonupwonun won maas.

Q: Pota chon OHA ra awesi tichikin aean pwonupwonun won maas non nenien tumwun mei semwen? Chon OHA mei ekieki anoniinenin chouchoun semwenin COVID-19 ngeni ekkoch aramas?

Popwun an kefinita pwe tichikin aean pwonupwonun won maas non ei state epwene wes ren chon angang, mei semwen me chon chuuto rer non nenien tumwun mei semwen, popwuta non ewe Eprein 3, e fis non an wor tipeew ngeni ekkewe soutipachem non ei wewe me pwan ren porousen cheufetan semwen non ei state, minne-ka a kukkunutiw tori iei sia tongeni awesi tichikin aean pwonupwonun won maas non nenien tumwun mei semwen. Am mei epinukunuk non am nenien tumwun mei semwen pwe repwe fiti ngeni ekkewe ourour ren eppetin me koukun paikiing me

fiti ngeni an state me federal ennuuk ren aean pwonupwonun won maas ika a tori atun.

Aean pwonupwonun won maas mei chiwen tongeni eppet cheunon semwenin angasangas. OHA mei pesei ngeni aramas ar repwe aea ar pwonupwonun won maas non neeni meinin, pachenong non nenien tumwun mei semwen ika ir mei semwen, ika epwe chouchou ngenir semwen (ika re nomw ren emon epwe chouchou ngenir semwen), ika ian chok repwe mefi ar ngaseno ren ar aea ar pwonupwonun won maas.

Q: Inet chon OHA ra awesi tichikin aean pwonupwonun won maas non sukuun me neeni non?

OHA e awesi tichikin aean pwonupwonun won maas non sukuun me neeni non, non ewe Maas 12, 2022. Aramas mei tongeni sopweno ne aea pwonupwonun won maas non neni ese nifinifin nenien angang. Ekkewe health official, re pwan epochokkuna ar pesepes ngeni aramas epwe chouchou ngenir semwen, ika ekkewe chon tumwunu ika nonnomw ren emon mei semwen nge epwe chouchou ngeni an semwen, pwe repwe sopweno ne aea ar pwonupwonun won maas non neeni meinin, konnien non ekkewe community mei watte cheunon semwen ie.

Q: Fansoun ar mwiich ren kawesin tichikin aean pwonupwonun won maas, chon OHA re chok nennengeni ekkewe keis me fitemon chon niwing non pioing ika, chon OHA mei pwan ekieki chouchoun COVID-19 me chon osupwangen tumwun ar health non ekkewe community mei osupwang me ekkewe aramas ese pwechepwech enuwen inisir?

OHA mei nengeni chommong ekkewe osukosuk fansoun ar ewe finata pwe epwene wesino tichikin aean pwonupwonun won maas non nenien tumwun mei semwen. Me faan ewe administrative ennuuk 333-019-1011, minne-ka mei tichiki aean pwonupwonun won maas non nenien tumwun mei semwen, ewe Oregon State Health Officer me Public Health Director repwe, me ir mei, ekieki ekkei:

- Ewe ukukun cheunon COVID-19, usun mei fat ifan koukun ren ukukun case mei wor, pesenin chon ir mei positive, me pwan ekkoch sokkun mettoch mei affat ren ukukun cheunon ewe semwen me non Oregon iei.
- Fitemon chon niwing me maano ren COVID-19.
- Sokkofesennin semwenin COVID-19 non ekkewe community an aramas ese pwechepwech enuwen inisir me non an ekkewe einang community.
- Ourour seni ewe U.S. Center ren Disease Control me Prevention.
- Ukukun chochoon aramas ra angei ika a unus ar opposun eppet.

OHA mei weiweiti met e fis pwokiten COVID-19 ren nonnomwun aramas mei sokkono enuwen inisir me ekkwan nenien einang, aramas mei wor tufichingawen an inisir tongeni me chon Oregon mei mwukeno, iwe ekkei sokkun kopwut mei feito seni sokkun nifinifin ren aramas me pwan sokkun angang ese nonnopok ewe a fen piin

fifis me nomw non ei state. OHA mei mochen sopweno an epwe angang fengen me ekkewe community ne anisi met sokkun osukosuk an public health usun ren COVID-19 me pwan awora aninisin nongonong me tumwun ngeni ir ekkewe mei mefi osupwang ren.

Q: Ekkewe pisniis me nenien angang, pachenong nenien tumwun mei semwen, mei tongeni sopweno tichikin aean pwonupwonun won maas?

Ewer. Ekkewe imwen sopai me organization mei tongeni fori ar ennuke ren tumwununour chon angang, nour chon kame, chon chuto non ar we neni me nour client, pachenong aean pwonupwonun won maas me kaworen pisekin pwarata pwe ra angei ewe opposun eppet, non ar fiti ngeni ewe ourour meren ewe Americans with Disability Act me Title VII ren ewe Civil Rights Act. Chommong ekkewe pisniis me chon katonong nour chon angang mei tongeni sopweno ne tichiki aean pwonupwonun won maas ika state a awesi ewe ennuke ren aean pwonupwonun won maas. Ren ekkewe organization me pisniis re finata pwe epwe sopwosopwono ar ennuke ren aean pwonupwonun won maas me/ika pisekin pwarata ren ewe opposun eppet, OHA mei pesei ngenir ekkei tetten fan ei:

- Epwe ffat makken won echo taropwen ourour fengen me kawor ngeni chon angang me chon chuuto rer
- Epwe wor osukuun ngeni chon angang ren ena ourour fengen me repwe sinei ifa ussun ne esinei ngeni chon chuuto rer porousen ena ourour
- Epwe ffat me pwaeoch ar sain won ekkewe nenien tou me tonong non ar ena neni
- Epwe wor ar pwonupwonun won maas ar repwe awora ngeni chon angang me chon chuuto ika ese wor ar
- Epwe ffat makken won echo taropwen ourour ar repwe ifa ussun ne kapas ngeni chon song
- OHA mei awora ekkei sain won [ei website](#) non ewe kinikin mei mmak “signage”.

Q: Ngang mei chiwen tongeni aea ai pwonupwonun won maas ika mwo nei tokter e ara ese chiwen wor tichikin?

Ewer. Aramas mei tongeni aea ar pwonupwonun won maas non nenien tumwun mei semwen ika mwo ese wor tichikin seni nour tokter.

Q: Mei apwangapwang nei monun fiiu ngeni semwen nge epwe chouchou ngeni ei semwenin COVID-19. Upwe ifa ussun ne tumwunu ei non nenien tumwun mei semwen ika u nomw nein aramas rese aea ar pwonupwonun won maas?

OHA mei pesei ngonuk pwe kopwe kapas ngeni noumw tokter. Ekkoch nenien tumwun mei semwen ina repwe sopweno tichikin aean pwonupwonun won maas ika

mwo state a awesi tichikin. OHA mei pwan pesei ngeni aramas epwe chouchou ngenir semwen pwe repwe tumwunu pwe epwe unuseoch ar opposun eppetin COVID-19. OHA mei pesei ngeni aramas ar repwe aea ar pwonupwonun won maas non neeni meinisin, pachenong non nenien tumwun mei semwen ika ir mei semwen, ika epwe chouchou ngenir semwen (ika re nomw ren emon epwe chouchou ngenir semwen), ika ian chok repwe mefi ar ngaseno ren ar aea ar pwonupwonun won maas.

Tumwun me Pochokkun mei pwan tongeni awora ngonuk chon aninnis ren tumwunun semwenin ekiek me neetip non ei fansoun epwe wor siiwin. Tumwunun ukuukun pochokkunomw me omw kapas ngeni noumw tokter mei pwan anisuk omw kopwe kefin omw angangen tumwun ngonuk. <https://www.safestrongoregon.org>.

Q: Ika uwe nonnomw ren emon apwangapwangen chinnap ika apwangapwangen watten samwaau, upwe pwan aea pwonupwonun won maas ika uwa nomw orun ewe aramas?

Aramas ra watte seni ier 65, aramas mei wor ar semwenin inis me ekkewe mei apwangapwang nour monun fiiu ngeni semwen, mei anoniinen semwenin COVID-19 ngenir. An emon epwe aea pwonupwonun aa me pwot mei ekisano cheufetanin ewe COVID-19. OHA mei pesei ngeni aramas ar repwe aea ar pwonupwonun won maas non neeni meinisin, pachenong non nenien tumwun mei semwen ika ir mei semwen, ika epwe chouchou ngenir semwen (ika re nomw ren emon epwe chouchou ngenir semwen), ika ian chok repwe mefi ar ngaseno ren ar aea ar pwonupwonun won maas.

Omw fiti ngeni ekkei ourour mei auchea, konnien ika ke nomw non ew neni mei ekis watte ika mei fokkun watte cheufetannin semwen non. OHA mei pesei aramas repwe no ngeni [an OHA ewe COVID-19 website](#) pwe repwe katon porousen COVID-19 ikenai.

Q: Ewe tichikin aean pwonupwonun won maas mei pwan wesino non ekkewe nenien tumwun mei semwen re naisen seni Oregon Department ren Human Services?

Ekkewe nenien tumwun mei semwen re naisen seni ODHS repwe akkomw mwiich ngeni ena department pwe repwe eis ika epwe chiwen wor tichikin aean pwonupwonun won maas.

Q: Ian upwe tongeni katon me ia porousen an wesino tichikin aean pwonupwonun won maas?

Porousen an wesino tichikin aean pwonupwonun won maas ren neeni non, aean pwonupwonun won maas non sukuun me non nenien tumwun mei semwen mei nomw won an OHA ewe [pwonupwonun won maas website](#).

Q: An OHA appioni pwe a wesino tichikin aean pwonupwoun won maas, wewen pwe a wesino cheunon ewe semwen?

Apw, cheunon ewe semwen ese mwo wes. Nge, ewe fansoun public imerechensi ren ewe semwen a wesino, iei sia kuna pwe semwenin COVID-19 nein aramas a kukkununo pwe ren an inisir a pochokkun ren ar angei ar oppos me ren an piin urir.

OHA mei mochen sopweno an epwe angang fengen me ekkewe community ne anisi met sokkun osukosuk an public health usun ren COVID-19 me pwan awora aninisin nongonong me tumwun ngeni ir ekkewe mei mefi osupwang ren. [Tumwun me Pochokkun](#) mei tongeni awora ekkewe aninnis ngonuk me non omw community non ei fansoun epwe wor siiwin.

Q: Ai we organization mei chok sopweno ne onnuku aean pwonupwonun aaw me pwot. Met ngang upwe tongeni fori ika pwe emon epwe eto ngeni ai we organization nge ese mochen pwe epwe aea pwonupwnun aaw me pwot?

Ekkewe nenien angang me nenien sopai repwe fiti ngeni ewe ourour an ewe Americans with Disability Act me ewe Title VII ren ewe Civil Rights Act. Ika pe emon aramas mei wor tufichingawen an inisin tongeni ese tongeni epwe aea pwonupwonun aaw me pwot iawe mei onnuk aean ian, non nenien aramas ese nifinifin, usun ren imwen sopai ika neni mei suuk ngeni aramas ese nifinifin, repwe angang fengen me ewe aramas ren kaworen sokkun aninis epwe weweoch ngeni metewe an osupwang. Ekkoch sokkun aninnis mei kawor:

- esapw kamo ar repwe angei ar mettoch mei nepekin aan
- esapw kamo an epwe deliver ngenir ar mettoch ika
- appointment epwe fis won fon ika won video

Esapw onnuk ngeni ewe nenien angang an epwe mwutata emon chon kame, noun client ika chon chuto ngeni an ewe neni nge ese aea pwonupwonun aaw me pwot ika pwe mei onnuk aean ikewe.

OHA ese onnuku ngeni nenien angang me imwen sopai ar repwe kapas eis ngeni iokewe mei wor tufichingawaen inisir ren taropwen pwarata pwe ir mei wor ar tufichingawen inis. Ika pwe emon aramas epwe era pwe mei wor tufichingawen inisin ie ese tongeni an epwe aea pwonupwonun aaw me pwot, ewe nenien angang ika imwen sopai epwe anomwu non an kokkot sokkun aninis epwe tongeni anisi ngeni ewe aramas ren an epwe tour aninis ngeni.

Ika pwe emon aramas ese wor an pwonupwonun aaw me pwot, ewe nenien angang ika imwen sopai mei tongeni an epwe anisi ngeni ewe aramas an pwonupwonun aaw me pwot me non ewe kinikinin neni. Ika pwe emon aramas ese wor tufichingawen inisin nge ese mochen aea pwonupwonun aaw me pwot iawe mei onnuk ian ewe nenien angang ika imwen sopai esapw mwutata an epwe anisi ewe aramas.

Q: Ngang mei chiwen tongeni aea ai pwonupwonun won maas non neeni se nifinifin?

Ewer. Ion mei mochen sopweno ne aea pwonupwonun aaw me pwot mei tongeni epwe fori, pachenong nenien aramas ese nifinifin me pwan non nenien angangs. Ika ion mei chiwen mochen aea pwonupwonun won maas mei tongeni, fengen me ekkoch organization me nenien sopai mei tongeni chiwen tichiki aean pwonupwonun won maas.

Q: Ngang mei mochen sopweno ne aea pwonupwonun aaw me pwot non nenien aramas ese nifinifin inamwo ika ewe onnuk a wesino. Met sokkun pwonupwonun maas e each me neiir meinisin ai upwe aea?

Ekkewe e each me neiir nge ekkewe mei mecheres aean me en mei tongeni aea non unusen ran. Ew maas mei kkuch me aro nnuk won mesom e each pwe esapw wor parasen ngasangas epwe tongeni tonong ika tou me non ena maas. Pwan ew, ekkewe maas mei wor nap seni ew sassar e each mwen ekkewe ew sassar chok. Ika mwo meinisin ekkewe maas mei awora eppetin semwen, ekkewe maas mei kkuch, aweve ren ekkewe N95 me KN95 maas, ina ena pochokkun me neiir ne epeti semwen. Ekkei sokkun maas mei pochokkun, e chok eachu ngeni ekkewe neni mei mecheres an epwe cheufetan semwenin COVID-19 ngeni aramas. Ewe CDC mei awora sopwosopwun porousan ikei: <https://www.cdc.gov/coronavirus/2019-ncov/prevent-getting-sick/about-face-coverings.html>.

Q: Met upwe fori ika mei wor chon esiita ei ren ai sopweno ai mochen ne aea pwonupwonun won maas?

OHA mei kinisou ngeni meinisin aramas re finata pwe repwe sopweno ne aea pwonupwonun won maas. Aramas repwe sufonuti an ekkoch finata ar mochen ne aea ar pwonupwonun won maas. Mei sokkopaat wewen me popwun an emon mochen aea an pwonupwonun won maas. Ekkoch popwun nge ika emon mei wor an apwangapwangen inis ika semwenin inis minne-ka epwe awora fansoun an epwe chouchou ngenir semwenin COVID-19.

Ekkewe mei sokono onuwen unucher repwe mefi weiresin, an epwe wor chon osukosuker, ika eimureu seni meinisin ika sokkun mwokutukut ngenir mei ngaw nupwen repwe aea ekkewe pwonupwonun aaw me pwot ika pwonupwonun maas. Ei, ina epwe ren chok an aramas opwut chon ekis, ar mwongunungunu chon ekis ika ar chok kopwut. Ennukun non Oregon ese etiwa an epwe wor kopwut me afeiengaw ngeni ion mei sokkono. Koput me tipisin tipimwan ei fofor mei wor tipisin, pachenong mokutungaw ngeni emon, mina emon, atai pisekin ika eriaffou emon, mine mei esenipa an emon epwe pwan epuru:

- Chon ia,
- Sokono onuwen inisin,
- Terin inis,
- Namanam,

- Wesetan seni ia,
- Emon mwan ika fefin, ika
- Memefin inisum ika en emon met.

Mokutun tipekinikin ei fororun ariafou ngeni emon aramas, pachenong kapas mei ngaw, amengawa, pwomeni nikinikin an fos, eimunau, ika ese mochen anisi pwe fan iten koput, mei wewe ngeni an ewe aramas epwe mefi mei pachenong non ekkewe kinikin (mei tetenitiw me asan).

Emon aramas e mefi kopwutan ika tipisin tipemwan ngeni ika foffor pokiten an aea an maas, pwonupwonun won mesan ika eppetin won maas non neni, mei wor ekkei nenien aninnis ar repwe anisir. Ka tongeni repotei ewtipisin koput, kokori ewe pekin opochokuna onnuk won 911. Ka tongeni repotei ew fororun tipekinikin, kokori ewe Oregon Department of Justice won 1-844-924-BIAS (2427). Kokkori 711 ren Oregon Relay. Ren pwan ekkoch esinesin, kopwe tota won ewe StandAgainstHate.Oregon.gov. Ren omw kopwe oturu emon ren omw civil rights, no ngeni an Bureau ren Labor me Industries (BOLI) ewe [website](#) ika kokkori 971-673-0764.

Q: Met an OHA ourour ren aninnis ngeni chiechiach ren itiitin ach esinesin ngeni ekkewe community ren an OHA finata pwe epwene wesino tichikin aean pwonupwonun won maas?

Chon Oregon ir mei pwapwaiti ar repwe pworous ngeni ir ekkewe chon finata kokkot me non ar kewe commuity. Ekkoch sokkun chon wiisen finata ennuhun met epwe fis non Oregon nge:

- Kepina
- Ekkewe State Senator
- Ekkewe State Representative
- City Councilor
- Ekkewe County Commissioner
- Chochon ewe School Board

Ren omw kopwe tour ngeni an Kepina Ofes, no ngeni <https://www.oregon.gov/gov/pages/contact-us.aspx>.

Ar repwe tour ngeni ekkewe state legislator, chon Oregon mei tongeni kuna nour representative me senator non [ei website](#).

Pwan ew anen ar repwe kuna ekkewe chon finata kokkot ra tongeni kutta won internet ren ekkewe city council ika menun ewe board an sukun ika ekkewe county commissioner.

Q: Ai kewe organization non community mei awora aninnis ngeni ekkoch aramas ika re menei. Ngang mei tongeni tichiki aean pwonupwonun won maas ngeni aramas?

Ika mwo en mei tongeni tichiki aean pwonupwonun won maas ngeni noumw chon angang me ekkewe aramas re tonong non omw nenien aninnis, ika pwe ke tou non community pwe kopwe fori omw aninnis ngenir, kese tongeni tichiki aean pwonupwonun won maas ngeni aramas ke anisi, me nukun chok ika pwe ami mei tipeew non tropwe pwe repwe aea ar pwonupwonun won maas nupwen ar etto repwe angei aninnisir.

Q: Mei tongeni pwe sam me inn repwe finata an nour kewe semirit repwe aea pwonupwonun aaw me pwot non sukun inamwo ika OHA ese chiwen onnuku aean pwonupwonun aaw me pwot non sukun?

Ewer. Chon sukun, sense, me chon angang ir mei tongeni finata pwe repwe sopweno ne aea pwonupwonun aaw me pwot fansoun ar repwe nomw non ekkei neni. Ekkoch meinapen sukun mei tongeni ne sopweno onnuku ngeni chon sukun, sense me chon angang ar repwe aea pwonupwonun aaw me pwot non ekkewe nenien sukun an K-12. Sam me inn repwe cheki ren an nour kewe sukun ren ar repwe weweiti ika pwe mei chiwen chok onnuk aean pwonupwonun aaw me pwot non ar we sukun.

Q: Ika ai county mei wor an tichikin aean pwonupwonun won maas non sukuun, nenien tumwun mei semwen ika ew neeni non nge ewe state ese tichiki, upwe fiti ngeni an ai county ennu?

Ewer. Emon me emon mei auchea repwe fiti ngeni met onnukun non nenier kewe ren sopwosopwonon onnukun aean pwonupwonun won maas. Ekkei onnuk mei tongeni ar repweforuta me non ekkewe city me kukkun sopw, meren menun ewe board an sukun me pwan ekkoch chon nemeni pekin kokkot me non ekkewe sopw.

Q: Met sokkun mettoch epwe weires ngeni ekkewe aramas mei wor tufichingawen inisir nupwen ekoch aramas repwe aea pwonupwonun aaw me pwot, pwonupwonun won maas ika epetin won maas?

Ekkoch mettoch epwe tongeni fis an epwe weires ngeni ekkewe aramas mei wor tufichingawen inisir iwe:

- Ekkoch aramas ir mei menei repwe kuna pwisipwisin aaw ika nikinikin mesemesen emon pwe repwe sinei met ke era.
- Ekkoch aramas mei wor tufichingawen inisir ika ir mei sokono mamarin inisir repwe sokono ar weweiti nikinikin mesemesen aramas. Emon aramas epwe weires and weweiti mettoch ren ngingin an emon porous. Ika ke aea pwonupwonun aaw me pwot, iwe repwe chok tongeni kuna mesom ika fètum, iwe mei pwan tongeni epwe mwan ar weweiti ika rese weweiti me amwani met ewe chon kapas e awewei ika apasa.
- Ekkoch aramas mei puung seninger rekan chok nengeni pwisipwisin aaw. Pwisipwisin aaw me nikinikin mesemesen emon mei tongeni pwarata porous

iwe ekkewe pwonupwonun aaw me pwot rese mecheres an emon epwe kuna mei eppet an ekkei sokkun aramas repwe kuna pwisipwisin awan ewe chon porous.

- Tanipomw mei pwan aea pwisipwisin aaw an epwe atoura kapas me wewechun. Nupwen ewe pwonupwonun won maas epwe eppet awan ewe aramas, iwe mei weires an ewe chon tanipomw epwe awewe ngeni ewe emon.

Ekkewe nenien angang me ekkewe nenien aramas ese nifinifin repwe angang fengen me ekkewe ir mei wor tufichingawen inisir ren ar repwe tongeni anisi ngenir wewechun aninis epwe tour ngenir an ewe chon angang epwe tufichin anisi ekkei sokkun aramas an epwe tour ngenir met ar osupwang. Ekkewe ese kawor ngenir sokkun wewechun aninis repwe kokori ewe Bureau ren Labor me Industries (BOLI) [Kinikin ren An Aramas Pwuung](#) at 971-673-0764 or crdemail@boli.state.or.us.

Q: Pokiten an ese chiwen wor tichikin aean pwonupwonun won maas, mei pwan wor met upwe aea ren ai upwe tumwunu nei chon angang me aramas re etto non ai nenien pisniis?

Mei wor pwan ekkoch anen an ekkewe imwen sopai me organization repwe sopweno ne tumwunuw nour chon angang me aramas ese nifinifin:

- Awora tichikin angangen ewe opposun eppetin COVID-19 ren chon angang ika pwe mei ketiw me on ekkewe ennu.
- Ekkei opposun eppetin COVID-19 mei sopwosopwono imanan an epwe eppet an emon epwe semwen me niuing non pioing ren COVID-19.
- Onnuku ngeni chon chuuto me kasotmer pwe epwe wor pisekin pwarata pwe ir mei angei ewe opposun eppet, akkaewin ren non neni non imw.
- Sopweno ne onnuku aean pwonupwonun won maaas ngeni chon angang me aramas ese nifinifin nupwen repwe tonong non ewe neni.
- Anapano nenien kusun asepan non neni non imw, pachenong an epwe suuk asamwacho ika mei tufich ika pwe esapw efeiengaw ngeni chon angang me chon chuto.
- OHA mei pesei nengeni sefani [Mochenin Public Health ren COVID-19: Ekiekin anisi fetanin asepan non neni non imw](#) ren anisin pworous won fetanin asepan me non imw.
- Ika epwe tufich, awora ngeni chon angang me kastomer ar repwe tongeni tou nukun imw. Ei mei tongeni pachenong kaworen nenien mommot nukun imw me efisi angangen chufengen nukun imw, ika pwe esapw tongeni epwe awora osukosuk ngeni chon angang ika chon chuto.

- Aweteno towaw fesenin nefinen emon me emon, pachenong chon angang me chon chuto.

Tourechun taropwe: Ka tongeni angei ei taropwe non fosun ekkoch fonu, epwe mesemóng, non nikinikin noun mei chuun, ika met sokkun ke mochen. Kokkori ewe Acute me Communicable Disease Prevention won nampa 971-673-1111 ika email ohd.acdp@state.or.us. OHA mei etiwa meinisin chok kokko, ika en mei pwan tongeni kori 711.